



Centro Nacional Chega!!P

Da Memória à Esperança



KOMUNIKADU IMPRENSA

Centro Chega!!P Komemora Ona Masakre Bo'oloi-Larisula, 20 Agosto 1979 ba Dala-47.

(Baucau, 28 Agosto 2026) – Centro Nacional Chega!!P hamutuk ho Autoridade Lokal no comunidade sira iha suku Larisula, Postu Administrativu Baguia, Munisipiu Baucau komemora ona masakre Bo'oloi, Larisula, 20 Agosto 1979 ba dala-47. Komemorasaun ne'e nu'udar aktu rekoñesimentu husi estadu ba martires na'in 13 ne'ebé mak mate, no na'in 2 ne'ebé hetan violasaun direitus umanus husi militar Indonézia.

Komemorasaun ne'e kompleta ho atividade sira hanesan, sertame, konsulta saúde, mini dialogu, apresentasaun drama, apresentasaun muzika, apresentasaun poezia, misa agradesimentu, inagurasaun nomumentu, karii aifunan no sunu lilin iha monumentu masakre Bo'oloi, ne'ebé hetan prezensa husi Eis Jeneral Reformadu, Lere Anan Timur nu'udar mos Asesor Prinsipal Prezidencia Republika, Presidente Konsellu Kombattente Libertasaun Nasional Munisipiu Baucau, Cornelio Gama "L7" nu'udar mos eis Deputadu iha Parlamentu Nasional, Diretór Jerál Ministeriu Solidariedade Sosial no Inklusaun, Florêncio Pina Dias Gonzaga, Representante Presidente Autoridade Munisipiu Baucau, no entidade sira seluk.

Objetivu prinsipal husi komemorasaun ne'e mak atu dignifika no valoriza sira ne'ebé mak mate tanba defende ukun rasik-an. Alende ne'e, komemorasaun ne'e mos nu'udar medida reparasaun kolektiva ba sira. Komemorasaun ne'e dezenvolve ho aprosimasaun integradu hodi transforma sofrimentu pasadu sai lisaun ba dame, kria ponte entre Estadu ho família vítima sira, no hametin nasionalismu no patriotismu iha jersaun foun sira.

Entertantu, Centro Chega!!P hala'o atividade hirak ne'e bazeia ba dekretu-Lei n° 48/2016, ho vizaun atu harii Sosiedade ida ne'ebé mak inklusivu, la repete istória pasadu nian, moris iha dame, no respeito direitus umanus. Centro Chega! nia misaun mak atu harii Centru póz-konfliktu ne'ebé prezerva memória pasadu nian hodi promove direitu no valór umanu no harii parseria nasional no internasionál hodi reforsa rede servisu sira atu implementa rekomendasaun sira husi Relatório Final Comissão de Acolhimento, Verdade e Reconciliação (CAVR)- Chega! no Per Memoriam Ad Spem (PMAS) husi Comissão da Verdade e Amizade (CVA), sira ne'ebé relevante.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun

Email: rsfraga@centrochega.gov.tl

Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei n°. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pazu nian, moris iha dame, no respeito ba direitos umanu". Nia misaun mak: "Harii sentru Pós-konflitu ne'ebé prezerva memória pazadu nian hodi promove direitos no valor umanu, harii parseria nasional no internacional hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Obrigadu!